

明

史

明史卷一百九十

列傳四十一

張信

房勝

陳亨

子懋

徐理

房寬

劉才

徐忠

趙彝

李遠

王忠

郭亮

陳旭

張信臨淮人父興永寧衛指揮僉事信嗣官移守晉定平越征盤江紫江草塘積勦進都指揮僉事建文帝即位大臣薦信謀勇調北平都司受密詔令與謝貴張瑄謀燕盡縛藩府人信憂懼不知所為母怪而問之信範以他語對母愈詰之乃告以故母大驚曰

不可汝父每言王氣在燕汝無妄舉滅家族信益憂
懼亡何詔趣信急信艱然起曰何忍已甚至是三造
燕邸王辭不見信乃乘婦人輿求見王召入信拜牀
下王時稱病風不能言信頓首曰殿下無恙即有恙
當急謝臣王曰余誠病且困待死耳信曰殿下不以
情語臣朝廷密勅臣執殿下殿下意果無他幸從臣
歸命京師即有意宜告臣王見信語誠惻為泣下告
信密謀立召諸將定計奪九門信隨王轉戰至京師
論功比諸將將進都督僉事封隆平侯祿千石予世
伯券成祖德信甚時時呼信為恩張聞信有女欲納

為妃信執不可以此益重信凡召太子察藩王勅辭
諸密要事皆命信信頗怙寵而驕永樂八年冬都御
史陳瑛言信素無汗馬之勞遭遇聖明忝冒侯爵不
思恭儉以保祿位乃恣肆貪墨不知屬厭強占丹陽
鰥湖八十餘里又占江陰官田七十餘頃用上屬民
請下有司驗治帝曰瑛言是也昔中山王有沙洲一
區耕農水道所經家僮阻之以擅利王聞即歸其地
於官今信何敢爾命法司雜治之尋以舊勲不問初
帝舉兵謂得真武神助十年大營武當山宮觀命信
與駙馬都尉沐昕董作治已復命土部侍郎郭進佐

信等糜帑金數百萬七年而成二十年從北征大閱
於隔寧信辭疾不至請充辦事官已而復之仁宗即
佐加少師予世侯券宣德初從征樂安帝北征命居
守尋督軍萬五千人浚河西務河道正統七年卒贈
鄖國公諡恭僖子鏞自立功為指揮僉事先卒子淳
嗣卒子福嗣卒第祐嗣卒從第祿與族人爭嗣久不
決下法司理乃得嗣卒子瑋嗣嘉靖中坐法失侯已
復封其從子相為侯相分典營務出鎮湖廣卒傳至
明亡爵除

房勝景陵人初從陳友諒友諒早耒歸充騎兵小旗

從征山東雲南以功授百戶進府軍衛千戶征納哈
出遷通州衛指揮僉事燕兵初起勝首率衆舉城迎
降遂以為守將通州去北平最近勝既降附燕王無
反顧憂遂東定薊州密雲而居庸懷來皆不能守勝
守通州南兵屢攻城起土山臨城城守益堅與戰時
有鹵獲平安率遼東兵十萬來攻敗去燕王出師三
年竟全城累功進都指揮僉事封富昌伯世指揮使
陳亨鳳陽壽州人元末為揚州萬戶從太祖於濠為
鐵甲長從攻婺州拔月城陷陳先登從定浙東還取
安慶復太平敗漢軍於鄱陽進兵湖口獻策募土人

知水道者導舟師遂大捷授百戶從定江北取吳權
千戶從大將軍北伐守東昌敵數萬奄至亨堅壁不
與戰越二日出羸兵數百誘之敵悉衆來遂乃率精
騎奮擊大敗之己從克燕都出塞還徇北平未下諸
城洪武二年命守大同累破邊寇又征和林應州天
城白登績功權燕山左衛指揮僉事數出迤北遼陽
遷北平都指揮使建文帝卽位權都督僉事燕師起
命亨與劉真卜萬守大寧殺兵出松亭關駐沙河將
攻遵化援兵至退保關燕王心忌大寧兵擬其後乃
以計間亨等詐與卜萬書盛譽萬詆亨而令持書卒

世之亨果疑萬執下獄自是兵不出王已破耿炳文
軍襲得大寧厚撫亨家而遣其奴報亨亨與徐理謀
夜襲走劉真而以其衆降燕王已得亨則長驅而南
亨遂從破南軍於鄭村壩克廣昌蔚州攻大同白溝
河之戰亨中創幾死已攻濟南與平安戰於鐔山大
敗創甚輿還北平進都督同知王還軍親詣亨第勞
問之亡何卒王自為文致祭比即位追封涇國公諡
襄敏長子恭嗣為都督同知少子懋初以舍人從軍
立功為指揮僉事已而將亨兵戰單橋藁城西水寨
東平小河功多累進右都督永樂元年封寧陽伯祿

千石予世養六年佩征西將軍印鎮寧夏善撫降附
得其歡心七年秋諭降迤北丞相登卜以下平章司
徒國公十餘人衆三萬已而知院迭兒必失及禿赤
伯顏等相繼來降平章都連等叛去懋追及之於黑
山禽之盡收所部人口及孳畜數萬獻俘京師以功
進封侯益祿二百石明年召至行在從北征督左掖
十一年冬命還寧夏練兵巡邊尋命將山西陝西二
都司及鞏昌平涼諸衛兵俱駐宣府明年從北征仍
將左軍大戰於忽失溫與成山侯通政敵之右右都督
朱崇等乘之遂大破之明年復之鎮二十年復從北

征破敵於屈裂河別將五千騎循河東北捕殘寇及
之山澤中分二道夾擊殲之師還武安侯鄭亨將輜
重先行懋伏隘以待寇來躡伏出縱擊寇死者過半
還京賜龍衣玉帶冊其女為麗妃明年將陝西寧夏
甘肅三鎮兵從征阿魯台為前鋒謀知寇為毛刺所
敗追至宿寇山會也先土干諸部落來降懋撫之以
歸明年復從北征師還為殿仁宗即位命掌前府加
太保予世侯宣德元年從討樂安還仍鎮寧夏三年
奏從靈州城得黑白二兔以獻宣宗喜親畫馬賜之
懋在鎮久威名震於漠北顧帖寵自恣六年指揮張

奏劾懋諸不法事遂召懋還復為侍郎羅汝敬所劾
命巡按御史勘實以聞明年御史凌輝劾上懋令倉
吏虛出通關而私其糧直凡七千餘石盜中益六千
七百餘引乾沒金幣雜畜以鉅萬計帝以勦戚大臣
曲宥之命所司徵其贓既而懋自陳用已盡詔並貸
免英宗卽位命懋偕張輔參議朝政出為平羌將軍
鎮甘肅其冬寇掠鎮番懋遣兵援之解去以斬獲聞
參贊侍郎柴車劾懋失律致寇不疾擊及自遁去乃
取所遺老弱冒為都指揮馬亮等功受陞賞宜罪茲
是復召懋還論斬免死奪祿家居久之還祿奉朝請

十三年福建賊鄧茂七反都御史張楷討之無功乃
詔懋佩征南將軍印充總兵官率京營江浙兵往討
至浙江有欲分兵先扼海口者懋曰若是賊將致死
於我不可明年抵建寧時茂七已死餘賊聚尤溪沙
縣諸將欲屠之懋曰是堅賊心也乃下令招之賊黨
多降於是分道逐捕悉平之己而沙縣賊復熾久之
不定會景皇帝立遂班師奏捷言官劾之帝以賊平
勿問仍加太保掌中府兼領宗人府事英宗復位益
祿二百石七年卒年八十五贈潯國公諡武靖懋修
縣偉貌聲如洪鐘胃次磊落敦禮士大夫同時靖難

功臣至裕陵時無在者惟懋久享祿位數廢數起卒以功終云嫡子昭先卒庶長子晟有罪不得嗣爵及其弟潤潤卒而復命其弟瑛嗣減祿之半瑛董操神機營移五軍營領宿衛嗣侯十六年而晟子輔己長乃令輔嗣瑛免為勲衛輔己娶婦棄之更娶他婦以嫌出再娶復自經死乃更迎所出者與居事覺奪侯卒亡子復封瑛孫繼祖為侯嘉靖中分典營務出掌南右府食書中府傳子及孫大紀隆慶中掌中府卒子應詔嗣萬曆中掌前府總督京營徐理西平人從太祖渡江積功授永清中護衛指揮

食事改營州衛燕王克大寧率衆降遂從燕師加都
指揮食事戰於溥新先鋒哨騎合擊李景隆追北至
德州戰夾河破盛庸軍追北至浮沱河從攻西水寨
走房昭進都督食事戰小河禦平安力戰齊眉山將
士多死或受創理軍獨完從破金川門封武康伯予
世襲帝之初起兵也李景隆率師五十萬將攻北平
北平勢弱而寧王所鎮大寧行都司領興營等二十
餘衛皆西北精銳至朵顏泰寧福餘三衛皆元降將
所統番騎驍卒尤號驍勇而大寧鎮將卜萬駐師松
亭關將與景隆合王甚患之乃計紹陳亨內萬走間

道疾殊大軍守關將劉真赴援未至大軍破理率諸
衛將士先降後與指揮陳文合陳亨襲破真走之盡
拔諸軍及三衛騎卒以歸燕遂挾寧王入關漁陽以
北爲之一空自是衛降陷陣多三衛士卒所向無不
摧敗燕兵勢遂大盛景隆不能支理從燕師功不甚
著而燕王用兵取天下自克大寧始其後旣褒封理
官甚有功番將至指揮都督以三衛地界之從行都
司於保定大寧遂棄終明之世三衛常爲邊患去理
再傳至孫勇與子絕封

考寬陳州人洪武中積功爲濟寧左衛指揮從魏國

公諱兵北平遂為北平都指揮同知毅守太寧寬
在邊境凡山川阨塞殊域情偽莫不畢知然不能操
輯士卒燕兵奄至城下守將朱鑑戰死城中縛寬以
降成祖釋其縛俾從征戰白溝河將右軍失利已而
獲勝從克廣昌彰德論功帝念寬舊臣不錄其過進
都督僉事封思恩侯祿八百石予世指揮使永樂七
年卒

劉才霍丘人元時為元帥太祖定中原率其衆降投
省戶歷營州中護衛指揮僉事燕王克大寧同徐理
符降瀋寧王入關從燕師轉戰山東每先登陷陣諸

番將從之數有功燕王稱帝封廣恩伯世指揮使永樂八年從北征失律議罪己而宥之尋偕陸平侯張信修築永平山海邊關二十二年復從北征至懷柔以疾還京才為人惻怛無華不為苟合亦不輕嘗級

祇甚為仁宗所重宣德五年卒

徐忠舍肥人父用從太祖積功為河南衛副千戶用老忠嗣官從北征至捕魚兒海還城大寧又從征金山屢有俘獲運糧數十萬斛至溫西又從征奶兒不花俘獲尤多進濟陽衛指揮僉事城懷安萬全又從北征至臚朐河而還興武舉出鎮朔平燕王被廢庸

關攻堯懷來愆遂以開平降從燕兵徇灤河合陳旭
等兵殺其賊勦最李景隆攻北平軍號五十萬旌旗
徧山谷將士銳甚燕王選兵收之立五軍張玉將中
軍朱能將左軍李彬將右軍房寬將後軍忠號驍勇
使將前軍遂敗陳暉於白河西敗李景隆於鄭村壩
白溝河之戰忠暉騎突陣一指為流矢所中未暇去
鐵急抽刃斷之控滿疾驅殊死戰燕王乘高見之謂
左右曰真壯士也進攻濟南克滄州大戰東昌夾河
拔彰德破西水寨克東阿東平汶上大戰靈璧遂從
義淮入京師自指揮同知累遷都督食事封永康侯

祿千一百石予世恭忠質實果毅每戰摧鋒跳盪焉
諸將先而取軍甚嚴所過無擾善撫降附得其死力
事繼母以孝聞雖夜歸必揖家廟而後入儉約恭謹
未嘗有過成祖北巡以忠老成晉輔太子監國永樂
廿六年卒贈蔡國公謚忠烈子安嗣出督山東沿海
官軍備倭凡嗣侯六十四年而卒子昌先卒昌子綺
嗣弘治中佩征蠻將軍印鎮湖廣平靖州武岡蠻有
功卒子溥嗣卒七子庶兄源嗣嘉靖中興五軍營出
掌南京左府協同守備卒子喬松嗣掌南右府提督
撫社卒弟來燦嗣掌前府卒子應坤嗣總督京營卒

子錫肩嗣卒。子錫復封其從父應恒為侯。卒子錫登
朝。崇禎末流寇陷京師。被殺。錫將妻朱氏成國公。訢
臣女也。夫沒棲居十餘年。不獲地。及城陷。捧廟主自
焚苑。

趙葵虹人。洪武時為虎賁右衛百戶。調燕山右衛。從
穎國公征沙漠。城宣府。萬全。懷柔。推永平衛指揮。擒
事燕兵。連永平。葵以城降。從徐忠等。聘戰有功。累遷
地。平鄉指揮使。封忻城伯。食祿一千石。子世泰。永樂
八年。出鎮宣府。十二年。從北征。坐盜餉下獄。已而宥
之。明年。帝以呂梁。洪。瀋。陰。多覆舟。命葵鎮徐州。經理。

之而奏以貪縱廢事法司議罪帝特宥之降勅功費
仁宗卽位以奏老不任事召還宣德初卒子榮嗣正
統十四年視事前府以士卒亂行爲子謙所劾下獄
亡何得釋天順初掌南左府卒子導嗣掌南後府卒
無子從子瑾嗣瑾謹懋過歷典五軍右掖領宿衛
食書南左府卒子武嗣嘉靖初奉使楚府坐淫穢辱
國奪祿一年久之食書南左府凡嗣伯三十九年而
卒子祖肩嗣亦以使蜀貪縱被劾奪祿卒第祖征嗣
傳子遂孫世新萬曆末總督京營卒子之龍嗣崇禎
末協守南宗福王立改督京營卒子之龍嗣崇禎

大清兵下江南之龍迎降

李遠懷遠人父賓以開國功為蔚州衛指揮僉事遠嗣官燕王攻蔚州遠舉城降從功大同破滄州狗東平汝上南兵駐德州運道出徐布間遠以輕兵六千偽為南軍袍鎧人狎柳一枝於背以自辨經濟寧沙河臣布無覺者焚糧舟數萬而還河水盡熱魚鼈皆得南將袁宇以三萬騎來追伏兵擊之斬萬餘人燕軍駐蠡縣遠分哨至蘆城遇德州裨將葛進將步騎萬餘兼水渡滹沱河及其半渡而擊之進繫馬林間以步兵接戰遠引却誘之而分兵出其後解縱所繫

馮為前奮擊進退失馬遂大敗斬首四千獲馬千匹
王賜書嘉勞曰將軍以輕騎八百破敵數萬出奇應
變雖古名將不過也累功為都督食事封安平侯食
祿千石予世券遠為人沈毅有膽畧在諸將中言論
激昂自許忠義既從洪國公並福出塞至臚胸河福
欲進遠諫不聽率突騎五百而陳斬數百人馬蹶被
執罵不絕口而死追封洪國公謚忠壯子安嗣伯爵
洪熙元年為交趾叅將失律降元為事官已從臣通
素交趾還下執奪券尋徵請赤城立功英傑即從起
為都督食事封鎮番將軍子伯以功還都督同

知苑總兵官征松潘正統六年剿定西侯蔣貴征麓
川貴合兵駐軍潯江護餉道而自率大軍征進已而
賊破安恥無功聞有賊屯高黎貢山徑往擊之為新
敗都指揮趙斌等死者千八百人事聞徹下獄請獨石
卒詔與子清都指揮周知

王忠孝感入建文時以指揮守蔚州與李遠同降戰
白溝濟南滄州縻城率精騎為奇兵多斬獲累功遷
都督僉事封靖安侯與立福戰沒塞北爵除第斌為
東衛指揮僉事

郭亮合眾入父聚以小軍從太祖贊功為南寧衛百

亮嗣官調天策衛征大寧及哈剌莽來還并戶守
永平燕兵起亮與趙葵舉城降葵等合徐忠攻下樂
河從燕師亮獨守永平是時燕王初舉兵先畧旁近
地既克居庸懷柔山後諸州不守而永平接山海關
障遼東為東北重鎮亮等既歸附北平益無恐燕王
遂驅兵而收耿炳文軍炳文罷李景隆為將將攻北
平先是遼東鎮將江陰侯吳高與其都督楊文耿獻
周泉平日以亮戰且守益力燕王置北平為收永平
鑰並內外合擊斬首萬餘高退保山海關燕生以計
中高建文帝刻高爵徙居廣西楊文守遼東獲燕兵

進攻圍數重分徇荊州遵化亮乘城不與戰相持朱
瑄燕主遣劉江赴援亮與合擊大敗文於昌黎斬首
數千擒其將王雄等七十一人自是無窺永平者燕
兵遂南下累遷亮左軍都督食事封成安侯世伯食
祿千二百石永樂七年命守開平十二年從北征還
仍守開平二十一年卒贈興國公諡忠壯亮外若率
直內有心計在鎮貪淫恣肆不檢子晟當嗣伯仁宗
卽位特命嗣侯宣德五年扈跸先歸下獄失侯已而
獲之夫順二年卒無子第昂乞嗣詔如畧予伯三傳
至孫璿嘉靖中典五軍營食書前府領宿衛至明亡

爵絕

陳旭全椒人父彬從太祖為指揮僉事旭嗣官為會
州衛指揮同知舉城降燕從燕兵徇樂河功多戰真
定甚力守德州盛庸兵大至不能禦棄城遁走燕王
念其功置不問從入金川門王稱帝封雲陽伯予世
襲從英國公張輔征交趾為右叅將師還加祿五百
石資甚厚已而陳季擴叛復從輔往勦汲召輔還又
命副沐晟以疾卒於軍無子絕對

諭曰建文時諸為守北平既要者燕師六臣悉舉以
城降民為之效死視兩軍如仇讐是果何為哉

然也成祖既即位以功封者降將實居其半厥後子孫綿襲與國同休者甚多而開創諸勳臣則鮮得少延於其世又孰非所謂莫之為而為之者與噫

明史卷一百九十一

列傳四十二

顏成

宋晟

劉榮

鄭亨

薛祿

何福

朱榮

邦義金玉

賁獻

譚廣

陳懷

顏成字景韶其先湘潭人從江都成少魁岸臂力絕人精馬槊文其身以自異太祖渡江來歸為帳前親兵攀蓋出入嘗從上出舟膠於沙以背負舟而行從攻鎮江與勇士十人轉圍入城被執十人者皆死成躍起斷縛跳持刀者仆遂脫歸導衆攻城克之授百

克從克常州宣州江陰從廖永安敗張士誠兵於狼
山進千戶擊雙刀趙於樅楊攻安慶江州池州下興
國諸山寨敗陳友諒於龍江得其戰艦及馬從大將
軍從安慶江州克南昌從援安豐進攻廬州從克武
昌荊州衡州從開平王下襄陽還取泰州留守興化
從中山王破舊館克湖州蘇州洪武元年進堅城衛
指揮僉事二年克信陽唐光四年從臨江侯入蜀攻
羅江禽偽元帥以下二十餘人入漢州偽丞相知院
盛兵迎戰奮擊破之遂降其城蜀平改成都後衛六
年擢重慶妖賊王元保八年調守貴州時羣蠻叛服

不常成連歲出兵平之十四年從潁州侯征雲南為
前鋒克普定遂守之諸蠻數萬來攻諸將欲出戰成
曰彼衆我寡不可出已而賊攀柵乃出北門奮擊手
殺數十百人賊退餘賊猶在南門成斬所俘十人縱
其一曰吾將以夜二鼓來殺汝夜二鼓賊聞官軍吹
角鳴礮悉遁走獲器甲無算進指揮使諸蠻隸普定
者悉平之十七年平阿黑螺螄等十餘寨降尾灑蠻
酋二十一年討乖西諸蠻擒關索嶺賊渠土官阿宗
叛勢甚張成深入據關口連戰破誅之奏革普定府
析其地為州三長官司六留統治之大布恩信諸蠻

帖伏進貴州都指揮同知以次平康佐都勻諸蠻得
斬萬計二十九年遷右軍都督僉事佩征南將軍印
征水西蠻誅其酋敬德明年五開蠻反率兵至剖天
洞悉破之進勦天柱天堂諸生苗及西堡平州諸叛
蠻皆誅叛魁而撫其餘衆凡所破六洞一百三十七
寨黔中由是遂平建文元年為右都督從耿炳文禦
燕師戰敗真定被執文皇帝喜於得成親解其縛曰
此天以爾授我也送北平輔世子居守南軍圍城防
禦調度一聽成城守遂固帝即位論功封鎮遠侯食
祿千五百石予世券仍鎮貴州永樂六年谷勞王石

諸寨蠻作亂成率軍討之斬其酋暮尚等八百餘級
降其餘黨十一年思州宣慰使田琛與辰州知府黃
禧連兵擅攻思南宣慰使田宗弼命成以兵五萬壓
境琛禧就縛於是分思州思南地更置州縣遂設貴
州布政司未幾臺羅苗作亂成亮總兵官率二都司
三衛兵討之斬其酋普亮盡俘叛黨威震百蠻蠻人
皆生為成立祠成忠謹多智計涉書史始居北平多
效謀畫終不肯將兵賜之兵器不受在鎮上書請早
建儲以正名分功成爵賞既定宜制以禮法駕將北
巡被召至京命輔太子監國頓首謝言太子仁明足

任付託廷臣皆材賢非愚臣所及請歸備鑾帝許之
時羣小謀奪嫡太子不自安成入辭文華殿因曰殿
下但當竭誠孝敬孳孳恤民萬事在天宵人不足措
意太子領之十二年五月卒年八十有五贈夏國公
諡武毅八子長統晉定衛指揮建文帝以成降燕殺
統其子興祖嗣侯興祖討廣西蠻先後破藍山賊播
康生思恩河池賊覃公旺覃公新宜山賊韋穩崇善
賊趙進等皆平之他所降附甚衆然貪恣多不法屢
為巡按御史言官所糾皆蒙曲宥會交趾黎利復叛
改調丘溫縣興祖擁兵南寧太平不赴援城陷殺下

獄踰年得釋正統十四年自土木遁還廷臣劾論死
也先還都城後剋帶克副總兵分禦之城外授都督
周知守備紫荆關景泰三年坐受賄事覺復下獄尋
釋以立東宮恩予伯爵天順初復侯守備南京卒孫
淳嗣卒無子淳從弟淳淵興祖孫也年十三而嗣
侯與諸小侯入國學用薦掌五軍右掖弘治二年拜
平蠻將軍鎮湖廣稟撫安撫司土官殘虐苗人苦之
奪其印簿捕斬首惡貸其餘活五百餘人年年冬貴
州都內蠻尤富架作亂自稱都順王梗滇蜀道詔淳
完衍軍總兵官統兵拾萬討之分五路刻期並進誘

誅富察父子斬首萬計加太子太保增祿二百石入
提督國營兼三千營掌前軍都督府事十八年卒謚
襄恪清慎守法卒之日囊無餘貲英國公張懋祖
布帛以飲子仕隆嗣侯管神機營左哨寬弘簡賢得
士心正德初出為漕運總兵鎮守淮安十餘年以清
白聞數上疏請恤軍卒又請開通惠河時不能用及
復開之入果稱便武宗南巡江彬乘勢橫甚折辱諸
大吏惟仕隆不為屈嘉靖初移鎮朔廣尋召還提督
三千營加太子太傅掌中軍都督府事諭奉迎訪守
功也錦衣衛正印都督總大學士楊廷和兵部尚書

彭澤上疏言哈密失策事由兩人帝怒逮繫廷和諸
子圻給事中楊言抗疏忤旨事下五府九卿科道議
仕隆等申救言廷和功在社稷邦奇小人假邊事惑
聖聽傷國體有詔切責移病解營務卒贈太傅諡榮
靖子震弱歷食中左二府事守備南京奉詔獄獄多
所平反嘉靖十七年為漕運總兵官漕舟以避梓宮
後期者三千艘而江南北多災傷襄疏請停諸艘運
一年以所運米令被災地改折色軍民兩便之後條
漕政七事並見施行諸為漕害者病之遂中蜚語為
給事中王交所劾已而按驗不得實命襄復食右府

再出鎮淮會安南事起移鎮兩廣得專節制視便宜
莫宏漢者安南都統使莫福海子也當襲族人莫正
中謀殺而篡之其下弗順正中逃入中土時有議乘
機取安南者策與提督侍郎周延決策送宏漢還國
安置正中於邊安南遂定桂林平樂徭反殺縣令討
平之復鎮淮有禦倭功入總京營督軍助諸大工作
加太子太保復出督漕召還請老隆慶五年特起授
京營總兵尋復乞休神宗嗣位起掌左府久之致仕
加少保萬曆十年卒贈太傅謚榮禧自溥至襄三世
皆寬和康靖內行修謹晚文藝通賓客襄父子世為

潛潛善於其職淮楊人尤稱道之案無子從子承光
嗣侯食書前府事亦好文藏書至萬餘卷已為侯猶
應科舉誠七試不利意未已嘗語人曰吾馮藉國恩
冠蟬國王貴顯矣然使得一列名賢書吾豈以彼易
此哉蓋其家世風尚如此傳子至孫肇跡京師陷為
賊所殺楊王立贈鎮國公以從父鳴郊襲

宋徽宗景陽定遠人父朝用兄國興初隸郭子興麾
下從克濠州敗賈魯兵從張天祐克五河泗州盱眙
積功並授總管尋從太祖渡江下采石太平已從攻
集慶國興戰沒徽嗣其職遂從克集慶下宣州朝用

以天寧翼元帥請老歲率所部從鄧愈克徽州還襲
父官移兵平江西諸路與朱文正守南昌別將兵平
諸山寨洪武元年克建寧授建寧衛千戶因守之尋
進都指揮同知歷鎮江西大同陝西所至治兵撫民
不嚴而肅十二年坐法降涼州衛指揮使十七年五
月奉命討西番叛酋兵至亦集乃路禽元海道千戶
也先帖木兒國公吳祀都剌赤平章阿來以下萬八
千人以筒長百五十人送京師簡精銳千人傳卒伍
餘悉放遣召還復為都指揮進右軍都督僉事仍鎮
涼州二十四年克總兵官與都督劉真偕討哈梅里

先是西域諸國來朝貢者多爲哈梅里王兀納失里
所遏或邀殺之帝怒決計征之其地去肅州千餘里
戕全軍中多其糧糗倍道疾馳一夕奄至城下質明
金鼓之聲震地聞城股栗即日克之禽其王子列兒
怯帖木兒及偽國公以下三十餘人收其部落輜重
以歸自是番戎懾服明之兵威極於西域矣其明年
從茲王征罕東兵至其地王遣晟等徇阿真川土酋
哈答等懼遁去師還調中軍都督食事二十七年偕
劉真從總兵官周興出開原捕野人至忽刺江分三
道進其前西陽哈先遁去追之不及至甫答達舊城

俘人畜而還明年拜征南右副將軍討廣西悒悒諸
寨苗禽斬七千餘人又明年總羽林八衛兵討平五
開龍里十三洞三十一年出鎮開平以所部從燕王
出塞還城萬全諸衛建文改元以晟仍鎮甘肅成祖
即位入朝擢後軍左都督拜平羌將軍遣還鎮三年
招降把都帖木兒倫薦兒灰等部落五千人獲馬駝
牛羊萬六千使使持節即軍中封西寧侯祿千一百
石世指揮使晟凡四鎮涼州前後二十餘年威信著
於絕域帝以晟舊臣有大將材專任以邊事所奏諸
輒報可嘗面御史劾晟自專帝曰任人不專則不能

成初死大將統制一邊寧能盡拘文法今當明告
使勿疑即勅成聽以便宜從事毋介入言戎書請入
朝報曰今西北邊務一以委卿卿宜專意經理非有
召命毋輒來尋命戎營度河西牧地及圍出塞方畧
會病卒歲三子長瑄建文中為府軍右衛指揮使數
從諸將禦燕師有功靈壁之戰揮戈躍馬先登斬首
數級已而諸軍皆敗瑄猶格鬪力盡死瑄子歲長孫
也成祖惡之以故不得嗣次琥安成公主婿也得嗣
侯子世芬八年佩前將軍印鎮甘肅勉之曰毋替父
功琥怙寵而驕嘗擅留番酋有詔切責既而李彬來

鎮不相得詔和解之十年與彬發兵捕叛酋老的罕
俘斬甚衆召還洪熙元年坐不敬奪爵并削駙馬都
尉官宣德中復爲都尉琥既廢以弟瑛嗣瑛威寧公
主婿也嘗求白河塹地有司言地連民田四十七頃
宣宗不與正統中歷掌左軍前軍府事十四年七月
也先大舉入寇命瑛充總兵官督鎮守大同武進伯
朱冕都督石亨等帥師禦之時中官郭敬監軍諸將
皆受制與敵戰於陽和全軍皆沒敬伏草間得免瑛
及冕皆死贈郭國公諡忠順亨餘嗣景泰中興禁兵
宿衛以勤慎稱卒子誠嗣誠少材武帝往京州視刻

壁值寇入境掠牛馬長驅而地誠方鐵遇之勝三矢
墮三矢寇大驚散走盡驅所掠而還既嗣侯署石府
事復佩平羌將軍印鎮甘肅邊備修飾西陲宴然卒
第讓嗣卒子愷嗣弘治中領將軍宿衛正德中協守
南京以不稱召還嗣侯四十七年而卒子良臣嗣典
五軍營嘉靖初領宿衛被劾罷卒子天馴嗣食書後
府出董操江就掌南後府協守南京召還掌後府未
至遇盜香河溺死子公度嗣數日而卒四傳至曾孫
裕德死流寇之難福王時贈寧國公祔祀忠臣廟
劉榮宿州人初冒父名江以小旗從魏公達追擊乃

兒不花於灰山黑松林有功稍遷總鎮給事燕邸姿
顏豐偉驍勇多智畧王深器之授密雲衛百戶從起
兵爲前鋒破雄鄭襲大寧戰鄭村壩取廣昌克蔚州
攻大同大戰白溝河徇山東與朱榮率精騎三千夜
襲南軍於滑口破斬數千人獲馬三千生禽都指揮
唐禮等累授都指揮僉事戰淳沱河奪浮橋掠館陶
曹州大獲還軍備北平敗平安軍於平村南軍解去
已而楊文以遼東兵圍朱榮往援文到却江聲言
還北平徐行二十餘里卷甲襲嶺夜入朱平文聞江
去復來攻江突出掩擊大敗之斬首數千禽指揮王

雄等老病一人再還都指擄僞軍次沁河江與白義
王兵等以輕騎致敵而敗之時南軍駐宿州積糧為
持久計王惠之議邀其餉道乃命江將三千人往江
趙起不行王大怒欲斬之諸將叩頭固請始免從戰
靈壁凌江策功頗以前故止授都督僉事再遷至右
都督永樂八年從北征以游擊將軍督前有次金剛
寨據山頂泉源已敗敗於幹難河復敗阿魯台於靜
肅鎮師還江為殿即軍中進左都督遣鎮遼東邊寇
聞入徽官軍帝怒命斬江既而宥之十二年召從北
征仍為前鋒先往興和將勁騎往來游徼既而車駕

駐至喜川命偵敵於飲馬河江至見敵騎東行進至
康哈里孩遇敵擊斬數十人復與大軍合擊馬哈木
於忽失溫下馬持短兵突入其陳斬獲多師還受上
賞復充總兵官鎮遼東當是時倭數寇海上北抵遼
南訖浙閩瀕海郡邑多被其害江度形勢請於金線
島西北之望海場築城堡設烽堠嚴兵待賊十七年
六月倭者言東南海島中夜舉火江知有寇急引兵
趨場已而倭數千人以三十餘舟至泊馬稚島羅岸
圍場江依山設伏別遣將斷其歸路以步卒迎戰倭
不勝誘賊入伏敵火舉伏起夾擊自辰至酉大破賊

賊走入櫻桃園空堡中合與圍之數匝盡覆之斬首
千餘級生禽百三十人自是倭木剋不敢復入遼東
官選封廣寧伯祿予二百石予世券至是始更名榮
等獲遺之鎮踰年而卒榮為將驍果常為軍鋒前無
堅陳馭士有紀律恩信嚴明諸款塞者無輯備至人
久而思之贈侯諡忠武子端嗣端卒亡子有二弟曰
淮曰安雅先卒子瑾幼榮妻慮安有他意匿瑾不以
聞安遂得嗣正統十四年充總兵官與郭登偕鎮大
同英宗北狩也先擁之抵城下邀登出見登不可安
出跪伏哭於前辱有所獻景帝降勅切責而安馳至

京師言上皇使已來告歆情進已為侯羣臣交勅下
獄論死會京師戒嚴釋安仍為總兵陣東直門寇退
進都督同知守備白羊口復伯爵英宗復位予世侯
命理右府總神機營再益祿三百石曹欽反安被創
加太子少傅成化中卒贈澤國公諡忠僖時瑾已長
遂與安子璉爭襲詔璉襲伯爵而授璉錦衣千百叅
卒無子仍以璉嗣歷掌神機効勇營卒子信嗣累掌
前府卒子泰嗣出督操江還提督團營歷總三千練
武神機五十四營兵世宗南巡掌中府居守卒諡康
順子允中嗣愼書後府領新衛卒子嗣德嗣卒無子

橫封其後成祖正為伯父不傳而明亡

鄭師谷肥人父周從太祖於和嶺初為大興左衛副

千戶諸老寧嗣職洪武二十五年應募待檄招諭魏

興至幹難河還還密雲衛指揮僉事燕師起以所部

降從薊州破雅鄭攻真定先登進指揮使從援永

平力戰敗遼東軍旋師襲大寧至劉家口將勁騎數

百卷旆登山潛出關後斷其歸路而攻之悉縛守關

者遂奄至大寧克之進北平都指揮僉事夜率衆破

鄭村壩止兵西破紫荆關掠廣昌取蔚州直抵大同

還戰白溝河陷陳大捷逐北至濟南進都指揮同知

城滄州軍地間扼鉤道東昌敗戰收散卒軍潞州明年戰夾河葉城界地至彰德權兵河上還屯完明年從破東平汶上軍次小河戰敗王真死諸將皆欲北還惟亨與朱能決策南向遂鏖戰靈璧擒泗州渡江平京師還都督僉事進左都督封武安侯祿千五百石予世券留守北京時用猶在及受封爵視亨也未樂元年克總兵官率兩將軍備禦宣府時元孽出沒塞下亨受勅修邊於宣府萬全懷來相度形便每數堡相距擇一堡爲高城深池城旁置門浚井蓄水其中廣可容數堡士馬者謹嚴無遠瞭望寇至夜舉火

畫鳴礮并力堅守挫之規。明年秋，諸將開平。明年，帝北征，命亨督運。既出塞，將右哨以從，追敗本雅失里大軍。與阿魯台遇，亨軍先縱衆乘之，遂大破之。還，論功，為諸將冠。仍出鎮宣府。十二年，復從北征，將中軍戰於忽失溫，已破敵。進之中流矢，却復與大軍合，破之。二十年，復從出塞，將左哨，發卒萬人，沿龍門道過軍，破兀良哈於屈裂河。將輜重還興寧陽，侯擊破寇之追躡者，仍守開平。比年，大軍再出，亨皆將左哨。成祖凡五出塞，亨皆在行。仁宗即位，拜征西前將軍，鎮大同。墾田積

穀邊備繕完自是大同布冠惠宣德元年召還索北
京行後府已仍出鎮大同轉餉宣府招降酋長四十
九人請於朝厚撫之歸附者相屬九年卒亨嚴有重
厚有執守善撫士而潔廉恥接堯人不敢干以私在
大同日鎮守中官每抗軍政亨據理裁正其人茲不
悅然其卒也深悼惜之贈漳國公諡忠毅妾張氏自
經以殉贈淑人子能嗣督撫五軍營坐事謫塞止火
之名還復爵卒子宏嗣成化初佩征虜前將軍印鎮
遼東亨來諸部入掠敗之長嶺山又敗之遼河尋掌
南後府提督操江卒子英漢弘治末克總兵官鎮守

然西頗有禦寇功焉揚一烈能傳將至國亡乃絕
薛祿膠人行於軍中呼曰薛六既貴乃更爲祿祿起
衆從燕起兵首奪九門克薊州遷化援密雲攻雅
鄭漢定之戰左副將軍李堅迎關鋒始交祿持衆直
前刺堅墜馬禽之起推指揮僉事從援永平攻下火
寧窩峪會州窮河還救北平先驅敗南軍游騎從戰
鄭村壩進指揮同知克廣昌蔚州攻大同爲前徵太
獲慶戰白溝河追奔至濟南還指揮使克滄州大戰
東昌以五十騎前行遇南兵數百與關敗之南兵悉
衆乘進獲脅關大敗之獲馬二百三十時燕軍爲盛

庸所敗還北北平庸伏兵威縣深州以待祿皆擊走
之從戰漳沱河石軍力屈祿馳赴之出入敵陳數十
戰被走之追奔至夾河斬馘無算明日戰單家橋馬
蹶被執奮脫縛拔刀斬守卒數人馳還復戰大敗平
安軍掠定順德大名彰德攻西水寨生禽都指揮花
英乘勝下東阿東平攻上連戰泃河大店小河汴隄
靈壁功最遂渡淮及汴入京師論功擢都督僉事永
樂六年進同知八年從北征至幹難河以功進右都
督並言自古用人必資豫教今武臣子弟聞暇不教
恣驕恣無將使對帝親其教會四方送幼軍數萬至

悉以隸祿恭謂之十二年從北征還董建北京宮
殿十八年役竣封陽武侯祿千一百石二十一年復
從北征還討平長興山盜仁宗即位命掌左軍如太
子太保予世券洪熙元年命巡北邊破敵於大松嶺
益祿五百石宣宗初佩鎮朔大將軍印復巡邊還陳
備邊六事從征樂安為前鋒先二日圍其城高煦已
禽留祿鎮撫二年夏復佩大將軍印督輸開平還軍
宣府屯薊開平無所得而還祿馳赴之謀知寇所在
法城可三百餘里率精兵往襲晝伏夜行三夕至縱
輕騎蹂敵營破之大獲人畜師還敵竊我後復奮擊

收之寇由是遠遁三年從北征破敵於寬河留鎮薊
州永平巡邊護餉數出開平宣府間五年遇敵於鳳
凰嶺斬獲多加太保建言永寧衛團山及雕鷲赤城雲
州獨石無城堡不可守築之便於是發卒二萬六千
赴役精騎五百護之祿與豐城侯董樂臨行賜詩以
山甫而仲為化亡何疾作召還卒贈鄭國公諡忠武
祿有勇而好謀謀定後戰戰必勝紀律嚴明秋毫無
犯善撫士卒同甘苦人樂為用靖難諸功臣稱張王
祿能及祿三人為最而祿逮事三朝歷鎮邊間歸然
為時符將子數死卒祿諡忠肅初祿掌前府王傳至

曾孫翰典五軍大營領宿卒亡子族人爭襲者太
之不得請田宅並入官世絕者三十餘年萬曆五年
乃復封翰族子鏐為侯亡子弟鈺嗣卒子濂嗣崇禎
末京師陷被害

何福鳳陽人洪武初累戰功為金吾後衛指揮同知
從傅友德征雲南有功累獻捷擢都督食事久之復
從藍玉出塞至捕魚兒海俘獲萬計二十二年江陰
侯吳高部降胡南征抵沅江而叛由思州出荊州轉
轍至渭河欲遁還沙漠福率兵與都督聶緯追擊及
諸郡追盡賊之移兵討平都勻蠻俘斬萬計二十四

年拜平羗將軍帥師討越州叛蠻阿資進攻其巢破
降之擇地立柵處其衆置軍越堡而還遂平九名九
姓諸蠻與都督茅島會兵徇五開未行而畢節囉囉
諸蠻叛大掠屯堡殺吏士福令畢節諸衛嚴兵而檄
都督陶文等以所部從島直搗其巢禽叛酋僂之分
兵逐捕諸蠻建堡設戍乃趨五開奏請因兵力并討
奢香不計三十年率兵會顧成平水西蠻拜征虜左
將軍討西平侯討平徠叛酋刀幹孟躋高黎共山直
搗南甸被禽其首刀名孟回軍擊景罕寨不下西平
侯以大軍至幹孟懼乞降而西平侯卒幹孟竟不

降後拜福征西將軍往討俞幹孟以歸降其衆七萬
遂分兵徇諸山寨克孟別降蒲蠻賊哈喇老姚破枯
阿莽撫要甸乃班師於是百蠻悉定拓地訖於洱海
福功爲多建文元年還京師進都督同知練兵德州
進左都督與燕庸平安會兵禦燕師戰淮南北不利
奔還京師成祖即位以福宿將知兵推誠用之聘其
甥女徐爲趙王妃尋命仍前佩征虜將軍印充總兵
官鎮寧夏節制山陝河南諸軍福至鎮宣布德意招
徠遠人塞外諸部降者相踵邊陲無事因以間屯田
積穀時於朔定賞罰爲經久之計帝嘉之數降詔褒慰

永樂四年命孫備靈州尋移鎮甘肅福馭軍嚴其下
吏不便者帝聞使使戒福善自衛毋爲小人所中福
請出京師宿將將降人帝報曰爾久總蕃漢恐勢重
致讒爲此言耳爾老将朕推誠倚任毋顧慮於是福
議出兵遮賀蘭山訶寇情又請以布市馬選其良者
別爲羣馬大蕃息永昌苑牧焉自此始遂遣都指揮
劉廣等出塞邀擊亦集乃時本雅失里糾阿魯台入
寇已而爲瓦剌所敗走臚朐河欲收諸部潰卒窺河
西詔福嚴兵待而迤北王子國公司徒而下大酋以
半數率所部駐亦集乃屯內附福以聞帝令庶子楊

榮往佐福撫之其衆悉降帝嘉福功命榮即軍中封
福為寧遠侯祿亦石八年帝北征召福從出塞初帝
以福有城畧隴任喻於諸將有請輒聽許福亦著功
祿有事來署專決帝益以此重福比為通侯志寢驕
在軍中數違節度羣臣有言其罪者帝猶曲意容之
福快快有怨言師還都御史陳瑛又以劾福福懼自
縊死爵除而趙王妃亦尋廢

朱榮字仲華沂人洪武十四年以總旗從西平侯封
雲南以功遷百戶征金山至一迷河哈剌哈進副千
戶守大寧築城浚池撫士卒有勞績靖難兵至以所

部降授指揮僉事俾佐左軍選戰鄭村壩解九門進
進都指揮僉事取廣昌攻蔚州大同戰白溝濟南進
同知克滄州東平戰夾河葉城進都指揮使別將兵
五千圍定州踰月下之復克東平次上破南兵於泥
河牀軍再戰榮率精騎伏險火破之鏖戰小河輟兵
誘敵截其餉道遂渡淮花野將下揚州撫定鎮江入
京師論功授都督僉事永樂四年從新賊侯張輔征
交趾破難陵關會沐晟於白鶴已而輔等議於嘉陵
江上疏濟師乃遣榮陳於下流十八里日增其數以
邀賊又作舟筏為欵濟狀牽制之賊果分兵渡江登

岸榮等奮擊大破之。大軍遂進克多邦城。榮功爲多。
然帝以榮嘗怠忽廢事。師還論功。僅擢右都督。賜白
金鈔幣七年。復從輔討其餘黨。平之。明年從北征。破
阿魯台。與劉江並進。左都督十二年。復從北征。與江
俱爲前鋒。破馬哈木。其冬克總兵官鎮大同。修忙牛
嶺。兔毛河。赤山。榆楊口。來勝諸城。寇不敢近。居三年。
召還。十八年代劉榮鎮遼東。二十年。復從北征。爲前
鋒。先駐軍雕鶚。詞寇設伏。以五千騎視寇所向。大軍
次。至沙泉。榮率銳士三百人。人予三馬。賫二十日糧。
深入。詞寇獲寇遊騎。遂知寇所在。已棄牛羊馬駝輜重。

北走榮悉拔之焚其輜重殺師破兀良哈師還封武進伯祿千二百石仍鎮遼東二十二年復從北征己還鎮洪熙元年佩征虜前將軍印鎮守如故尋卒於軍贈侯諡忠靖子冕嗣掌左府練神機營兵宣德初改掌右府尋以普王濟熿新廢命往山西鎮撫還治府事六年命輸餉獨石因巡其地正統四年佩征西將軍印充總兵官鎮大同九年出塞捕寇十四年北征戰於陽和死之諡忠愍子英嗣天順元年充總兵官鎮廣西居四年以疾徵還兵部發其在鎮不法狀帝命瑛疾已瘳之會卒贈其卹典子雲嗣卒無子弟

錄嗣領三千營卒子紫嗣再典營務領宿衛卒子本
嗣董操神機營出視牧馬以疾乞還卒無子以從父
洪紹封卒弟海嗣領衛卒子承敷嗣食書中府陞
慶初坐事罷已復遷右府明亡乃絕承樂中諸微侯
不以靖難功封者宋晟征西劉榮捕倭薛祿何福朱
榮北征其與榮等同出塞封者又有郭義金玉義濟
寧人事太祖累功為燕山百戶從燕王北征進千戶
從起兵定京師累遷左都督數從出塞有功與薛祿
同日封安陽侯祿千一百石命下而疾革遂卒王江
浦以襲父官為燕山護衛百戶從起兵有功累遷河

南都指揮使進都督僉事永樂八年從北征克厲揚
將軍破阿魯台師旋為殿至長秀川敵所棄牛羊雜
畜亘數十里悉收以歸焚其輜重十四年討平妖賊
劉子進進諭出塞功與郭義同日封惠安伯祿九百
石明年卒

費獻定遠人祖愚洪武時為燕山中護衛指揮使傳
子肅至獻從燕王起兵有功累進後軍都督僉事永
樂八年春涼州衛千戶虎保永昌衛千戶亦令真巴
等叛衆數千人屯據驛路新附伯顏帖木兒等應之
西都震動都指揮李智擊之不勝皇太子命獻往討

以尚書劉觀釐其軍事璆至涼州李智及都指揮陳懷以師來會遂進兵鎮番城東賊詐言欲降既而引還復相過於雙城璆擊其左懷等擊其右賊大敗走斬首三百餘級追奔至黑魚海獲賊屬千餘馬駝牛革才上萬虎保等遂遁乃班師十二年充總兵官鎮甘肅璆以涼州多閑田請給軍屯墾足邊餉從之永樂之季諸邊鎮守多用宦官恣睢專軍務璆亦為所制邊備不飭仁宗賜璆書責之曰爾以名臣之後受國重寄為低眉俯首受制於人此豈大丈夫所為耶寘痛自懲文苑圖後効璆得書陳謝宣宗嗣位授石

府在都督元年入朝封崇信伯祿千二百石從討高煦
還出鎮甘肅沙州衛賊屢剽撤馬兒罕及亦力把里
貢使獻討破之尋卒獻為人和善撫士在鎮十五
年境內寧謐子到嗣從征鄧茂七還掌都督府天順
中受武定侯郭英次孫昭賂誣嫡孫昌不孝欲奪其
爵法司請速治詔解其府事卒子淮嗣爵傳至明亡
乃絕

譚廣字仲宏母徒人洪武初起卒伍為燕山護衛百
戶從燕王起兵命以百騎伺敵涿州生得中朝將校
三十人戰灼清冀定來河成有功屢遷指揮使留守

保定都督韓觀帥師十二萬來攻廣以孤軍力拒四十餘日伺敵懈破走之永樂元年進大寧都指揮金事董工匠營建北京既而領神機營從征迤北充驍騎將軍十一年練軍山西明年從征九龍口為前鋒賊數萬騎憑崖列陣廣以神箭萬人射之賊死者無算乘勝麾左右夾擊賊大敗論功進都督食事仁宗嗣位擢左都督鎮守宣府宣德六年戶部請令他衛軍調戍宣府者悉遣還屯種帝可之廣上言臣所守邊一千四百餘里敵人窺伺竊發無時脫有警報徵兵數百里外勢豈能及屯種之議臣愚未見其可帝

以邊卒戍守有餘但命永樂中調者勿遣正統初朝
議以脫歡雖款塞狡謀未可測命廣及他鎮總兵官
陳懷李讓王或圖上方畧廣等各上議大要謂邊寇
出沒不常惟守禦為上策宜分兵扼要害而間遣精
銳巡行塞外遇敵則量力戰守間謀以偵之輕兵以
躡之寇來無所得去有所懼則邊患可少弭矣帝納
其言命廣等嚴備無怠六年冬以守邊勞封永寧伯
祿千二百石仍鎮宣府又三年卒謚襄毅廣長身多
力奮逆行伍至大將大小百餘戰未嘗挫衄初統神
機營為獨肥神來耀目時號為譚家馬在宣府二十

年無士卒有恩。邊徼帖然。稱一時名將。嘗遇憤杖殺都司。經歷又嘗以私憾誣百戶。非法杖之。並為言官所劾。廣謝罪。中朝以廣有將才。咸置不問。既卒。子序屢請襲爵。吏部言。非世奉命為指揮使。

陳懷。合肥人。襲父職。為真定副千戶。永樂初。積功至都指揮僉事。從平安南。進都指揮使。蒞山西都司事。再從張輔。禽安南賊渠簡定。從都督費瑋征涼州。叛人虎保。皆預有功。尋克泰將鎮守寧夏。仁宗立。進都督同知。宣德元年代梁銘為總兵官。時官軍征交趾。者屢敗。有詔發松潘軍援之。將士憚行。千戶錢宏與

衆謀詐言番叛晉軍勦捕莫得免調於是率兵掠麥
匝諸族番人震恐糾衆反殺指揮陳傑等陷松潘疊
溪圍威茂諸州指揮吳王都指揮韓整高隆相繼收
績西鄙騷然詔遣鴻臚丞何敏指揮吳瑋先往招之
命懷統劉昭趙安蔣貴率師數萬隨其後瑋等至賊
不順命瑋遂與龍州知州薛繼賢以所統兵擊賊復
松潘比懷至仍屬瑋前鋒遂復疊溪降二十餘寨懷
所招撫復業者又萬二千二百餘戶歸所掠軍民二
千二百餘人西鄙遂定進懷左都督厚養金幣而默
瑞功不錄懷遂留鎮四川在鎮驕縱多不法干預民

事受賂庇罪人侵奪屯田箝辱僉事柴震等數為言
官所劾帝既降勅責讓至是復以御史王禮稔章示
之令陳狀懷引罪遂置不問六年松潘勅都北定諸
獠暨空即龍溪諸寨番人復叛懷所遣兵戰敗指揮
安寧等死者三百餘人懷乃親督兵深入破革兒骨
寨進攻空即乞兒洞賊敗斬首墜崖死者無算革兒
骨賊復聚生苗四百餘人設伏邀擊都指揮趙諒覺
之勦戮殆盡於是任昌牛心諸寨番人聞風乞降羣
寇悉平久之巡按御史及按察使復奏懷僭侈踰分
每旦令三司官分班侍立有事跪白懷中坐稱旨行

遣旦日荒於酒不飭邊備致城寨失陷宣宗怒召懷
還命文武大臣鞠之罪當斬乃下都察院獄明年宥
死落職正統二年命以原官出鎮大同時漠北人進
貢者日給廩餼為軍民害懷言於朝得減省居二年
以年老召還命理中府事九年春與中官但住出古
北口征兀良哈還封平鄉伯十四年扈駕北征死於
土木贈侯諡忠毅子輔乞襲爵吏部言非世券執不
許景帝以懷死事特許之輔卒子政請襲吏部執如
初中肯允之政鎮兩廣久自陳軍功乞世券吏部復
執不可詔許子信襲弘治中信卒無子第俊嗣指揮

使與懷同封者。馬亮洪人起行伍從燕王靖難累功
至都指揮僉事宣宗時四遷至左都督兀良哈之役
偕中官劉永誠出劉家口至黑山大松林流沙河諸
處遇賊勝之還封招遠伯是役也中官王振主之故
諸將首功少率得封廷臣莫敢爭為伯三年卒謚榮
毅亮勇悍善騎射每戰身先士卒所向克捷時稱驍
將

諡曰顯成宋歲諸人雖多以靖難功顯然卒能為國
藩屏內修農戰外攘寇氛俾一時邊徼宴如烽燧無
警斯其偉哉不在開國功臣下矣蓋諸臣者大都皆

老成宿將數登已久當時人主既信而任之終始弗
易故得以留鎮巖間規畫周詳萬里而遙不啻安於
衽席亦匪一朝一夕之故也語云邊臣貴久任信哉